

applicabis trochiscos de spodio ex eiusdem descriptione.

℞. Trochiscorum de spodio, seminis acetosana ℥ j. ꝑ.

aquæ cucurbitæ ℥ vi.

misce, & singulis diebus manè accipiat ægrotus ℥ j. cum ℥ iij. aquarum prædictarum: & ad resumptionem caliditatis hepatis procede sicut in tertiana simplici cum unctiōibus & epithematis.

¶ In pituitoso causone, curatio instituitur evacuando in principiis, & concoquendo iisdem, de quibus antè diximus, medicamentis, cum de tertiana notha ageremus; & eodem etiam apozemate: quandoquidem eadem materia est. Atque hæc febrium ex bili pura simplici, vel composita, curandi ratio est.

## DE FEBRIUM QUÆ ex sanguine fiunt curatione.

### CAP. V.

**S**anguinæ febris synochæ dictæ signa hæc sunt Febris assidua, & inseparabilis rubedo in facie, venarum, arteriarum, atque temporum inflatio, & lassitudo corporis totius cum somnolentia, atque respirationis difficultate. Præterea urina rubra, & crassa, pulsus plenus & undosus.

Prin-

Principio igitur hujusmodi enæma parari jubeto.

℞. Foliorum malvarum, & violarum ana m. j.

fiat decoctio: de qua accipe lib j. & ℞. in qua dissolvatur casie fistulæ mundæ ℥ j. olei violarum ℥ j. ℞.

salis ℥ ij.

fiat enæma. Si tamen ægrotus enæma pati nolit, & morbus inducias dat, hujusmodi potionem exhibeto. ut;

℞. Capillorum veneris, florum buglossi, borraginis & violarum ana m. ℞.

prunorum damascenorum num. viij.

tamarindorum ℥ ℞.

fiat decoctio: de qua accipiat ℥ iiij.

in quibus dissolve casie fistulæ mundæ, & Syrupi violarum ana ℥ j.

vel illud Avicennæ exhibebis:

℞. Syrupi violarum ℥ j.

succi granati dulcis ℥ ℞.

aquæ intybi, zuchari ℥ ij.

misce, & fiat potus.

Hoc accepto, nisi repletio nauseatica adsit, vena communi incisa sanguinem usque ad animi etiam (si opus fuerit) deliquium mittito: plerumque autem potior est numeri multiplicatio, quam quantitatis.

Persæpe autem accidere solet, ut in plethorico corpore venæ difficillimè inveniri

niri possint, atque ex consequenti, neque sanguinis missio fieri. Huic verò sanguisugæ applicandæ sunt in coxis, tibus, & spatulis: si verò sanguisugis commodè uti nequeas, ventosæ in coxis, & scapulis cum scarificatione apponantur, aut hæmorrhoidæ, aut menstrua, aut sanguis ex naribus provocentur.

Post sanguinis autem missionem, cum nondum plenè febris abierit, syrupos quosdam malæ complexionis correctivos, & concoctivos exhibebis.

*Rx. Oxysacchari scilicet, & Syrupi intybi ana ℥j.*

*aquarum intybi & cichorei ana ℥j. ꝑ. vel syrupos violarum, nenusaris, & acetositatis citri, vel papaveris, prout major vel minor refrigerandi necessitas postulaverit. Neque tamen interim enæmata præmittenda sunt, dum syrupi concoctivi sumuntur.*

Quoniam verò febris hæc somnum inducit, descriptis à nobis pedum lotionibus, crurum fricationibus fortibus ad divertendum uti oportuerit: nec non & faciem lavare, atque sæpius etiam aquam inspergere rosarum aceto commixtam, aut rosarum solam. Laboranti etiam nimia siti ægroto conditum dabis, quale in tertianæ simplicis curatione descripsimus;

simus, & cum eo aquam hordei bibendam, vel aquam frigidam copiosè, si nimia adsit caliditas; neque aliunde potus hic impediatur. Utile autem & hoc conditum ad eam rem fuerit.

℞. *Conservæ rosarum, buglossi, & borraginis, & violarum ana ℥ j.*

*quatuor seminum frigidorum mundatorum omnium ana ℥ j. ℞.*

*santalorum rubeorum ℥ j. ℞.*

*margaritarum ℥ j.*

*auri & argenti ana p. iij.*

*zuchari tabarzet, & zuchari candidi violati ana quantum sufficit, & fiat conditum inauratum. Epithema etiam hepatis & cordi utiliter imponitur, & renibus etiam, ut dictum est in capite de Causone. Si tamen perseverat adhuc febris, & utina rubea ac crassa, & quasi perturbata ostenditur, ad lividitatem vergens; & systole præterea impulsu augetur, indicium est synocham febrim in synochum converti, quamobrem synochi curatione utendum est.*